

## Қазақстан Республикасы Қарулы Құштерінің механикалық көлік құралдары мен олардың тіркемелерін мемлекеттік тіркеу қағидаларын бекіту туралы

Қазақстан Республикасы Корғаныс министрінің 2015 жылғы 10 ақпандағы № 72 бұйрығы. Қазақстан Республикасының Әділет министрлігінде 2015 жылы 13 наурызда № 10432 тіркелді.

"Жол жүрісі туралы" Қазақстан Республикасының Заңы 16-бабының 5) тармақшасына сәйкес **БҰЙЫРАМЫН:**

**Ескерту. Кіріспе жаңа редакцияда - ҚР Корғаныс министрінің 28.08.2023 № 828 (алғашқы ресми жарияланған күнінен кейін құнтізбелік он күн өткен соң қолданысқа енгізіледі) бұйрығымен.**

1. Қоса беріліп отырған Қазақстан Республикасы Қарулы Құштерінің механикалық көлік құралдары мен олардың тіркемелерін мемлекеттік тіркеу қағидалары бекітілсін.

2. Қазақстан Республикасы Қарулы Құштері Әскери полициясы бас басқармасының бастығы:

1) осы бұйрықты заңнамада белгіленген тәртіппен Қазақстан Республикасының Әділет министрлігіне мемлекеттік тіркеу үшін жолдасын;

2) мемлекеттік тіркеуден кейін құнтізбелік он күн ішінде ресми жариялау үшін бұйрықты мерзімді баспа басылымдарына және "Қазақстан Республикасы Әділет министрлігінің Республикалық құқықтық ақпарат орталығы" шаруашылық жүргізу құқығындағы республикалық мемлекеттік кәсіпорнының "Әділет" ақпараттық-құқықтық жүйесіне жолдасын;

3) бұйрықты мерзімді баспа басылымдарында ресми жарияланғаннан кейін Қазақстан Республикасы Корғаныс министрлігінің веб-сайтына орналастырысЫн.

3. Бұйрықтың орындалуын бақылау Қорғаныс министрінің бірінші орынбасары - Қазақстан Республикасы Қарулы Құштері Бас штабының бастығына жүктелсін.

4. Бұйрық лауазымды адамдарға, оларға қатысты бөлігінде жеткізілсін.

5. Осы бұйрық алғаш ресми жарияланған күнінен кейін құнтізбелік он күн өткен соң қолданысқа енгізіледі.

Қазақстан Республикасының

Корғаныс министрі

И. Тасмағанбетов

Қазақстан Республикасы  
Корғаныс министрінің  
2015 жылғы 10 ақпандағы  
№ 72 бұйрығымен бекітілген

**Қазақстан Республикасы Қарулы Құштерінің механикалық көлік  
құралдары мен олардың тіркемелерін мемлекеттік тіркеу  
қағидалары**

**1. Жалпы ережелер**

1. Осы Қазақстан Республикасы Қарулы Құштерінің механикалық көлік құралдары мен олардың тіркемелерін мемлекеттік тіркеу қағидалары (бұдан әрі - Қағидалар) Қазақстан Республикасының Қарулы Құштері әскери бөлімдерінің (мекемелерінің) механикалық көлік құралдары мен олардың тіркемелерін (бұдан әрі - көлік құралдары) Қазақстан Республикасы Қарулы Құштерінің әскери полиция органдарында тіркеудің бірыңғай тәртібін белгілейді.

2. Осы Қағидаларда мынадай ұғымдар пайдаланылады:

1) көлік құралдары мемлекеттік тіркеудегі өзгеріс - заңнамада белгіленген құқықтық негіздер болған кезде есепке алу деректеріне және көлік құралын тіркеу туралы куәлікке өзгерістер мен толықтырулар енгізу;

2) көлік құралын есептен шығару - көлік құралы иесінің мекенжайының өзгеруіне немесе иелік ету құқығының тоқтатылуына байланысты оны тіркеу орнын өзгертуге бағытталған Қазақстан Республикасы Қарулы Құштері әскери полиция органдарының (бұдан әрі - ӘПО) қызметі;

3) көлік құралын мемлекеттік тіркеу - құжаттардың Қазақстан Республикасының заңнамасына сәйкестігін тексергеннен, көлік құралының сәйкестендіру нөмірлерін салыстырып тексергеннен кейін көлік құралын тіркеу туралы куәлікті бере отырып және мемлекеттік тіркеу нөмірі белгісін (бұдан әрі - МТНБ) бере отырып, ӘПО жүзеге асыратын көлік құралының жол жүргісіне қатысуына рұқсат беру рәсімі;

4) көлік құралын тіркеу туралы куәлік (бұдан әрі - КҚТК) - көлік құралының жол жүргісіне қатысуына рұқсат беруді растайтын құжат;

5) көлік құралының иесі - көлік құралының меншік иесі құқығындағы, шаруашылық жүргізу немесе жедел басқару құқығында не кез келген басқа да заңдық негізде иелік ететін Қазақстан Республикасы Қарулы Құштерінің әскери бөлімі (мекемесі);

6) көлік құралының сәйкестендіру нөмірі - көлік құралын сәйкестендіруді жүргізуге мүмкіндік беретін көлік құралын шығарушы берген жүйелі әріптік-цифрлық белгілер түрінде сипатталған көлік құралының жеке сериялық нөмірі;

7) механикалық көлік құралы – мопедтерді, электр самокаттарды, шағын электр көлік құралдары мен рельсте жүретін көлік құралдарын қоспағанда, қозғалтқышпен қозғалысқа келтірілетін, өздігінен жүретін жол көлік құралы. Ұғым тракторлар мен өздігінен жүретін машиналарға да қолданылады;

8) МТНБ - мемлекет меншігі болып табылатын және көлік құралына берілетін жеке әріптік-цифрлық белгіден тұратын және ұлттық стандарт талаптарына сәйкес жасалған бұйым. Осы ұғым "Транзит" МТНБ-ға қолданылады;

9) нөмірлік агрегат - көлік құралының қозғалтқышы, шанағы, шасси, рамасы, кабинасы;

10) тіркеу іс-қимылдары - өз құзыреті шегінде көлік құралдарын тіркеу, оларды есептен шығару, көлік құралдарын мемлекеттік тіркеуге өзгерістер енгізу, агрегаттардың нөмірлерін көлік құралдарын сатып алуды, пайдалануды, иеліктен шығаруды немесе бөлшектеуді растайтын құжаттармен салыстырып тексеру жөніндегі ӘПО іс-қимылдары.

**Ескерту. 2-тармаққа өзгеріс енгізілді - ҚР Қорғаныс министрінің 28.08.2023 № 828 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.**

### 3. Көлік құралдары ӘПО-ға:

1) тіркеу үшін - "Транзит" МТНБ-ның қолданылу мерзімі ішінде немесе көлік құралын алғаннан кейін күнтізбелік бес күн ішінде;

2) есептен шығару үшін - көлік құралын иеліктен айырудан (беруден) кейін күнтізбелік бес күн ішінде;

3) КҚТК-ға өзгерістер енгізу үшін - нөмірлік агрегаттарды ауыстырғаннан кейін немесе КҚТК-ға өзгерістер енгізу талап етілетін өзге де жағдайлар туындаған кезде күнтізбелік бес күн ішінде беріледі.

4. Осы Қағидалардың 3-тармағының 1) тармақшасында көрсетілген мерзімдерде тек көлік құралына тіркеу жүргізу алдында оны қарап-тексеру үшін ӘПО-ға ұсыну мақсатында, сондай-ақ осы Қағидаларға 1-қосымшаға сәйкес нысан бойынша көлік құралын қарап-тексеру актісі (бұдан әрі - қарап-тексеру актісі) бар болған кезде көлік құралын қарап-тексеру барысында анықталған ақаулықтарды жою үшін ӘПО-ға дейін жол жүру үшін көлік құралын пайдалануға рұқсат етіледі.

## 2. Қазақстан Республикасы Қарулы Қүштерінің механикалық көлік құралдары мен олардың тіркемелерін мемлекеттік тіркеу тәртібі

5. Тіркеу кезінде көлік құралы ӘПО-ға нөмірлік агрегаттардың есепке алу құжаттарына сәйкестігін салыстырып-тексеру мақсатында қарап-тексеру үшін беріледі.

### 6. ӘПО көлік құралын сырттай қарап-тексеру үдерісінде:

1) тіркелетін көлік құралы құрылымының қауіпсіздігін;

2) нөмірлік агрегаттар мен МТНБ түпнұсқалығын (жасырын, жалған немесе қандай да бір өзге тәсілдермен өзгертилген нөмірлік агрегаттарды, сондай-ақ МТНБ анықтау) және олардың көлік құралының құжаттарында көрсетілген деректерге сәйкестігін;

3) түсті-графикалық сызбаларды, таным белгілерін, жазуларды, арнайы жарық және дыбыс белгі берулерін салу талаптарына сәйкес келетін жедел және арнайы қызметтердің көлік құралдарын.

7. Көлік құралын қарап-тексеру нәтижелері қарап-тексеру актісінде көрсетіледі және қарап-тексеруді жүргізген лауазымды адамның тегін және күнін көрсете отырып,

оның қолымен расталады. Қарап-тексеру актісінің қолданылу мерзімі күнтізбелік жиырма күнді құрайды.

8. Көлік құралын тіркеу үшін ӘПО-ға қарап-тексеруге беруге кедергі келтіретін мән-жайлар бар болған кезде көлік құралының нақты болу орны бойынша жасалған, ӘПО әскери қызметшісінің қолы қойылып, мөрмен расталған қарап-тексеру актісін ұсынуға жол беріледі. Қарап-тексеру актісінің жарамдылық мерзімі күнтізбелік жиырма күнді құрайды.

**Ескерту. 8-тармақ жаңа редакцияда - ҚР Қорғаныс министрінің 28.08.2023 № 828 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.**

9. Тіркеу іс-қимылдарын жасау үшін көлік құралдарының иелері ӘПО-ға мынадай құжаттарды ұсынады:

1) көлік құралын тіркеуге, КҚТК-ға өзгерістер енгізуге, көлік құралын есептен алуға осы Қағидаларға 2-қосымшаға сәйкес нысан бойынша өтінімді;

2) көлік құралына немесе нөмірлік агрегатқа меншік, шаруашылық жүргізу немесе жедел басқару құқығын растайтын құжаттарды (осы Қағидаларға 3-қосымшаға сәйкес нысан бойынша наряд);

3) мөрмен расталған көлік құралын іске қосу, пайдалану тобын айқындау, МТНБ-ны және жүргізушіні бекіту туралы әскери бөлім командирінің (мекеме бастығының) бұйрығын;

4) қарап-тексеру актісін;

5) көлік құралын есептен шығаруды, ақауға шығаруды және кәдеге жаратуды растайтын құжаттарды;

6) көлік құралын иеліктен шығаруды (беруді) растайтын құжаттарды;

7) көлік құралын қайта жабдықтауды растайтын құжаттарды;

8) Қазақстан Республикасы Қорғаныс министрлігінің қару-жарап пен әскери техниканы пайдалануға және қамтамасыз етуге жауапты әскери бөлімдерінде (мекемелерінде) көлік құралын есепке қоюды растайтын паспортты (формулярды) немесе өзге де құжатты (тіркелгеннен кейін - иесіне қайтарылады);

9) шығарушы зауыттың немесе Қазақстан Республикасының шегінде көлік құралына арнайы (немесе мамандандырылған) жабдықты орнатқан кәсіпорынның сертификатын немесе әкелінген жабдыққа тиісті кеден құжаттарын, сәйкестік сертификатын;

10) КҚТК-ның түпнұсқасын (КҚТК-ға өзгерістер енгізілген немесе көлік құралын есептен шығарған кезде) ұсынады.

10. Көлік құралын тіркеу үшін иелері осы Қағидалардың 9-тармағының 1), 2), 3), 4), 8) тармақшаларында көрсетілген құжаттарды ӘПО-ға ұсынады.

11. Сынақтан өткізілетін көлік құралының тәжірибелік үлгісін тіркеу кезінде "Сынақ" деген белгі қойылған КҚТК беріледі. Көлік құралының тәжірибелік үлгісін

тіркеу үшін негіздеңе көлік құралының қауіпсіздік талаптарына сәйкестігі және сынаққа жіберу туралы шығарушы кәсіпорынның сараптамалық қорытындысы болып табылады.

Көлік құралының тәжірибелік үлгісіне КҚТК бір жылдан артық емес мерзімге беріледі және сынақ аяқталғаннан кейін оны тіркеген ӘПО-ға беріледі.

12. Ұсынылған құжаттарды, МТНБ-ны қолдан жасау белгілері, зауыттық таңбалауды өзгерту, нөмірлік агрегаттардың ұсынылған құжаттарға немесе тіркеу деректеріне сәйкес келмеуі анықталған кезде, сондай-ақ көлік құралының (нөмірлік агрегаттардың) немесе ұсынылған құжаттардың іздеуде екені туралы мәліметтер бар болған кезде ӘПО әскери қызметшісі көлік құралдарын ұстайды, ал құжаттар тиісті қылмыстық қудалау органдарына беріледі.

Осындай жағдайда тіркеу әрекетін жүргізу процестік шешім қабылданғанға дейін кейінге қалдырылады.

**Ескерту. 12-тармақ жаңа редакцияда - ҚР Қорғаныс министрінің 28.08.2023 № 828 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.**

13. Егелген, соғылған және дәнекерленген нөмірлері бар агрегаттар тіркелуге жатпайды.

14. Ақауға шығарылған көлік құралдарының қосалқы бөлшектері мен агрегаттарынан құрастырылған немесе техникалық регламенттерді бұза отырып, қайта жабдықталған көлік құралы тіркеуге қабылданбайды.

15. Тіркелген көлік құралдарына осы Қағидаларға 4-қосымшаға сәйкес нысан бойынша КҚТК беріледі және тиісті типтердегі МТНБ беріледі.

МТНБ автомобильдерге және автобустарға екеуден, ал мотокөлік құралдарына, тракторларға және тіркемелерге біреуден беріледі.

16. Жаңа тіркеу орнына өз жүрісімен жеткізілген көлік құралдарына ӘПО бір рет пайдалану үшін "Транзит" МТНБ береді.

"Транзит" МТНБ беру кезінде көлік құралының тиесілігін растайтын құжаттарда "Транзит" МТНБ сериясын, нөмірін, берілген күні мен қолданылу мерзімін көрсете отырып белгілер жасалады.

"Транзит" МТНБ қолданылу мерзімі берілген күнінен бастап күнтізбелік он күн, олар көлік құралдарын тіркеу орнына жүргізіп әкелу кезінде ғана жарамды.

Көлік құралдарын тіркеу кезінде ӘПО "Транзит" МТНБ-ны алады және бір жыл мерзімі өткеннен кейін жою актісін толтырып жояды (еркін түрдегі).

17. Жоғалтылған немесе жарамсыз болып қалған КҚТК-ға және МТНБ-ға ӘПО телнұсқаны беруге негіз көлік құралының иесі ӘПО-ға КҚТК-ны және /немесе МТНБ-ны жоғалту немесе оның жарамсыз болып калу фактісі бойынша

қызметтік тексеру материалдарының көшірмелерін және бөлім командирі (мекеме бастығы) бұйрығының көшірмесін қоса бере отырып жолдаған КҚТК және МТНБ телнұсқасын беруге өтінім болып табылады.

18. Есептен алынған КҚТК жоғалтылған немесе жарамсыз болып қалған кезде ӘПО осы көлік құралының бұрынғы тіркеу орны бойынша сұрау салулар жолдайды. ӘПО сұрау салуларын орындау мерзімі олар келіп түскен күннен бастап бес жұмыс күнінен аспауға тиіс.

19. Орнына телнұсқалары берілген жоғалтылған немесе жарамсыз болып қалған КҚТК мен МТНБ жарамсыз деп саналады және олар табылған кезде ӘПО оларды жою актісін толтырып жояды (еркін түрдегі).

20. Мынадай:

1) Қазақстан Республикасы Қорғаныс министрлігінің қару-жарап пен әскери техниканы пайдалануға және қамтамасыз етуге жауапты әскери бөлімдерінде (мекемелерінде) есепте жоқ;

2) дербес жасалған немесе қайта жабдықталған;

3) осы Қағидалардың 12 - 14-тармақтарында көзделген жағдайларда көлік құралдарын тіркеу және тіркеуге өзгеріс енгізу жүргізілмейді.

21. ӘПО бас тарту себептерін көрсете отырып, тіркеу іс-қимылдарын жүргізуден бас тартуды үш жұмыс күніне дейінгі мерзімде жазбаша түрде ресімдейді.

22. Тіркеу кезінде ӘПО үш жұмыс күніне дейінгі мерзімде мынадай іс-қимылдарды жасайды:

1) тіркелетін көлік құралдарына қарап-тексеруді жүргізеді;

2) көлік құралдарын тіркейді және КҚТК береді;

3) көлік құралдарын тіркеуге өзгеріс енгізеді;

4) көлік құралдарын есептен алады;

5) "Транзит" МТНБ береді;

6) КҚТК телнұсқасын береді;

7) көлік құралын қарап-тексеру актісін береді;

8) ӘПО-да тіркелген және есептен шығарылуға немесе ауыстырылуға жататын көлік құралдарының алынған агрегаттарына техникалық жай-күй актілерін және өзге де құжаттарды келіседі.

23. Көлік құралдарын тіркеу, КҚТК-ға өзгерістер енгізу, есептен шығару кезінде олар туралы барлық қажетті деректер ӘПО-да тіркелген көлік құралдарын есепке алу кітабына және/немесе электрондық базасына енгізіледі.

24. Жасалған тіркеу іс-қимылдары, көлік құралдарының иелері туралы мәліметтер, сондай-ақ тіркеу іс-қимылдарын жасау үшін негіз болған құжаттар (құжаттардың көшірмелері) жазбаша сұрау салу негізінде олардың өндірісінде қылмыстық, азаматтық істердің, әкімшілік құқық бұзушылықтар туралы істердің болуына байланысты соттарға, прокуратура, тергеу, анықтау органдарына, олардың сот актілерін немесе

басқа да органдардың актілерін орындау жөніндегі қызметті жүзеге асыруына байланысты сот орындаушыларына, сондай-ақ салық, кеден және басқа да органдар мен адамдарға Қазақстан Республикасының заңнамасында көзделген жағдайлар мен тәртіппен беріледі.

### **3. Көлік құралдарын тіркеу туралы куәлікке өзгерістер енгізу**

25. КҚТК-ға өзгерістер енгізу, жоғалтылғандардың немесе жарамсыз болып қалғандардың орнына КҚТК-ның телнұсқаларын беру көлік құралдарын тіркеу орны бойынша жүргізіледі.

26. ӘПО:

- 1) нөмірлік агрегаттары ауыстырылған;
- 2) МТНБ ауыстырылған;
- 3) шанақтың түсі өзгертілген;

4) арнайы жабдық қайта жабдықталған немесе орнатылған және өзге де осындай өзгерістер болған жағдайларда КҚТК-ға өзгерістер енгізуді жүргізеді.

27. КҚТК-ға өзгерістер енгізу үшін көлік құралдарының иелері осы Қағидаларға 9-тармақтың 1), 2), 3), 4), 7), 8), 9), 10) тармақшаларында көрсетілген құжаттарды ӘПО-ға ұсынады.

28. КҚТК-ға өзгерістер енгізу кезінде оны ауыстыру жүргізіледі.

29. Жеңіл автомобильдің немесе автобустың шанағын, жүк автомобилінің шассиін, оның ішінде басқа модельге (модификацияға) ауыстырған жағдайда, КҚТК-ға көлік құралының бұрынғы шығарылған жылы, маркасы, моделі жазылады. КҚТК-ның "Ерекше белгілер" деген бағанына тиісті өзгерістің күні көрсетіліп, "Шанак ауыстырылды" деп жазылады.

30. КҚТК-ға өзгерістер енгізу кезінде КҚТК-ның "Ерекше белгілер" деген бағанында бұрынғы КҚТК-ның сериясы мен нөмірі, сондай-ақ жүргізілген өзгеріс негіздемесі көрсетіледі.

### **4. Көлік құралдарын есептен шығару**

31. Көлік құралдары:

- 1) көлік құралын басқа әскери бөлімдерге (мекемелерге) берген;
- 2) әскери бөлімді (мекемені) таратқан немесе орнын ауыстырған;
- 3) көлік құралдарын кәдеге жаратқан (ақауға шығарған, есептен шығарған);
- 4) тіркеу орнын өзгерту үшін өзге де негіздер туындаған жағдайларда ӘПО есебінен алынады.

32. Көлік құралын есептен шығару үшін олардың иелері ӘПО-ға осы Қағидаларға 9-тармақтың 1), 4), 5), 6) 8), 10) тармақшаларында көрсетілген құжаттарды ұсынады.

33. Көлік құралдарын есептен шығаруды ӘПО үш жұмыс күнінен аспайтын мерзімде жүзеге асырады.

34. КҚТК-да көлік құралын есептен шығару жағдайларына сәйкес келетін жазбалар жасалады.

35. Әскери бөлімдерді (мекемелерді) таратқан жағдайларды қоспағанда, көлік құралдарын есептен шығару кезінде МТНБ әскери бөлімдерде қалады.

36. Әскери бөлімдер (мекемелер) таратылған жағдайларда көлік құралын есептен шығарған кезде МТНБ ӘПО-ға беріледі.

37. Меншік иесі көлік құралының нақты болу орны бойынша ӘПО берген көлік құралын қарап-тексеру актісін ұсынған жағдайда, тіркеу орны бойынша оларды ұсынбай, көлік құралдарын есептен шығаруға рұқсат етіледі.

38. КҚТК болмаған кезде меншік иесі оларды жоғалту жағдайларын көрсете отырып, қызметтік тексеру материалдарын ұсынады. Көлік құралдары есептен КҚТК телнұсқасы берілмей шығарылады.

39. Меншік иесінен айдан әкетілген және/немесе ұрланған және қайтарылмаған көлік құралын есептен шығару оның өтінімі және көлік құралының іздеуде екені туралы тиісті қылмыстық қудалау органды берген құжат негізінде жүргізіледі. Іздеудегі көлік құралы иесіне қайтарылған жағдайда тіркеу өтінім және көлік құралын қарап-тексеру актісі негізінде жүргізіледі.

Қазақстан Республикасы  
Қарулы Күштерінің механикалық  
көлік құралдары мен олардың  
тіркемелерін мемлекеттік  
тіркеу қағидаларына  
1-қосымша

Нысан

№ көлік құралын қарап-тексеру актісі

20 ж. " " \_\_\_\_\_

Ескерту. 1-қосымша жана редакцияда - ҚР Қорғаныс министрінің 28.08.2023 № 828 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

Мемлекеттік тіркеу нөмірі белгісі \_\_\_\_\_

Сәйкестендіру нөмірі (VIN) \_\_\_\_\_

Маркасы, моделі \_\_\_\_\_

КҚ типі \_\_\_\_\_

КҚ түрі \_\_\_\_\_ КҚ санаты \_\_\_\_\_

Шығарылған жылы \_\_\_\_\_ Шасси (рама) нөмірі \_\_\_\_\_

Шанақ нөмірі \_\_\_\_\_

Козғалтқыш нөмірі \_\_\_\_\_

Түсі \_\_\_\_\_

Сериясы \_\_\_\_\_ № \_\_\_\_\_  
(тіркеу күжаты)

Сериясы \_\_\_\_\_ № \_\_\_\_\_  
(паспорт (формуляр)

Тиесілігі \_\_\_\_\_  
(әскери бөлім, мекеме)

Көлік құралын қарап-тексеруге берген лауазымды адам \_\_\_\_\_

(лауазымы, әскери атағы, тегі, аты, әкесінің аты (бар болған кезде)

Қарап-тексеруді жүргізген әскери полицияның үекілетті әскери қызметшісі

(қарап-тексеруді жүргізген әскери қызметшінің лауазымы, әскери атағы,  
тегі, аты, әкесінің аты (бар болған кезде)

Техникалық ақаулық анықталды \_\_\_\_\_

Автомобиль конструкциясына өзгерістер енгізілді: \_\_\_\_\_

Көлік құралының техникалық жай-күйі туралы қорытынды: \_\_\_\_\_

(қарап-тексеруді жүргізген әскери қызметшінің қолы)

М.О.

Қазақстан Республикасы Қарулы  
Күштерінің,  
басқа да әскерлері мен әскери  
құралымдарының  
механикалық көлік құралдары мен  
олардың  
тіркемелерін мемлекеттік тіркеу  
қағидаларына  
2-қосымша

Нысан

\_\_\_\_\_ гарнизоны

Әскери полиция бөлімінің бастығына

Әскери бөлімнің

(мекеменің)

бұрыштама мөртаңбасы

**Өтінім**

"Қазақстан Республикасы Қарулы Құштерінің механикалық көлік құралдары мен олардың тіркемелерін мемлекеттік тіркеу қағидаларын бекіту туралы" Қазақстан Республикасы Қорғаныс министрінің

2015 жылғы "—" №\_\_ бұйрығының талаптарына сәйкес Сізден \_\_\_\_\_  
(көлік құралының иесі)

механикалық көлік құралдарының мемлекеттік тіркеуін (тіркеу туралы куәлігіне өзгерістер енгізуді, тіркеуден алууды) жүргізуіді сұраймын.

---

---

(өтінімді беруге құзырлы адамның лауазымы,  
әскери атағы, тегі, аты, әкесінің аты  
(ол бар болған кезде)

Қазақстан Республикасы Қарулы  
Құштерінің,  
басқа да әскерлері мен әскери  
құралымдарының  
механикалық көлік құралдары мен  
олардың  
тіркемелерін мемлекеттік тіркеу  
қағидаларына  
3-қосымша

Нысан

20\_\_ ж. "—" дейін жарамды

## НАРЯД

Тіркеу №	Күжат №	Күжаттың күні	Іс-шараның негізі (мақсаты)	Басқару органды
-------------	------------	---------------	-----------------------------	-----------------

Жүк жіберуші	Жүкті қабылдаш алушы	Көлік түрі	Көлік №	Көлік күжатының №
--------------	----------------------	------------	---------	-------------------

P/c №	Материалдық құралдарап аталуы	Номенклатура коды	Өлшем бірл.	Санаты	Берілсін	Берілді	Шасси №	Қозғалтқыш №	Ескертпe
1	2	3	4	5	6	7	8	9	10

---

---

(қол қоюға құзырлы адамның лауазымы, (қол қоюға құзырлы адамның  
әскери атағы, тегі, аты, әкесінің аты лауазымы, әскери атағы,  
(ол бар болған кезде) тегі, аты, әкесінің аты

(ол бар болған кезде)

М.О.

Берген (тапсырған) \_\_\_\_\_

(қолы, тегі, аты, әкесінің аты (ол бар болған кезде)

Алған (қабылдаған) \_\_\_\_\_

(қолы, тегі, аты, әкесінің аты (ол бар болған кезде)

Қазақстан Республикасы Қарулы

Күштерінің,

басқа да әскерлері мен әскери

құралымдарының

механикалық көлік құралдары мен

олардың

тіркемелерін мемлекеттік тіркеу

қағидаларына

4-қосымша

Нысан

### Көлік құралын мемлекеттік тіркеу туралы күәлік

ҚАЗАҚСТАН РЕСПУБЛИКАСЫ  
РЕСПУБЛИКА КАЗАХСТАН

Қозғалтқыш қуаты/  
Мощность двигателя .....  
Паспорт (формуляр) сериясы/  
Паспорт (формуляр) серия..... № .....  
Айрықша белгілер/ Особые отметки .....  
  
Кім берген/ Кем выдан .....  
(әскери полиция органды/ органом  
военной полиции)

(лауазымы, әскери атагы, қолы, тегі, аты,  
әкесінің аты (ол бар болған кезде)/  
(должность, воинское звание, подпись,  
фамилия, имя, отчество (при его наличии))

МО/МП

берілген күні/ дата выдачи

ӘСКЕРИ ПОЛИЦИЯ  
ВОЕННАЯ ПОЛИЦИЯ

КӨЛІК ҚҰРАЛЫН ТІРКЕУ КУӘЛІГІ  
СВИДЕТЕЛЬСТВО О РЕГИСТРАЦИИ  
ТРАНСПОРТНОГО СРЕДСТВА

Әскери белім/ Войсковая часть .....  
КҚ маркасы/ Марка ТС .....  
МТНБ/ ГРНЗ .....  
Шығарылған жылы/ Год выпуска ТС .....  
КҚ санаты/ Категория ТС .....  
КҚ типі/ Тип ТС .....  
КҚ түрі/ Вид ТС .....  
Қозғалтқыш/ Двигатель № .....  
Шасси № .....  
Шанак/ Кузов (VIN) № .....  
Түсі/ Цвет .....  
Қозғалтқыш көлемі, см<sup>3</sup>/  
Объем двигателя, см<sup>3</sup> .....  
Жұксіз салмағы, кг/ Масса без нагрузки, кг.  
Рұқсат етілген ең ауыр салмағы, кг .....  
Разрешенная максимальная масса, кг

сериясы/ серия № \_\_\_\_\_